

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





撰集三藏及雜藏傳 失譯人名附東晉錄

大阿羅漢難提蜜多羅所說法住記

唐三藏法師玄奘奉 詔譯

撰集三藏及雜藏傳、大阿羅漢難提蜜多羅所說法住記



清刻龍藏佛說法變相圖

一傳一記同卷

漆九

撰集三藏及雜藏傳

大阿羅漢難提蜜多羅所說法住記

撰集三藏及雜藏傳

失譯人名附東晉錄

佛涅槃後迦葉阿難於是摩竭國僧伽尸城北撰三藏及雜藏經

先禮佛已 禮法眾僧 各受集法 此諸法典

除去五蓋 一心聽受 所說聚法 如阿難說

當共信樂 是阿難智 與佛同等 聽集此法

如佛涅槃 阿難付法 愍念眾生 護持諸法

如視世尊 無上道士 視阿難等 福田無過

設非阿難 釋種涅槃 正法滅盡 并及三藏

佛雨諸法 哀念天人 承以完器 阿難受持
 寄付慇懃 阿難以法 此人乃復 終不漏脫
 所聚法名 分別等法 如師子吼 阿難所說
 一一於前 比丘各好 阿難獨立 佛自稱譽
 若過世智 若復俗智 一切皆知 阿難如海
 汝等爲此 信向阿難 聽所集法 悉斷衆苦
 世尊涅槃 地爲震動 山海踊沸 天人哭泣
 世尊出晚 涅槃何早 人天孤遺 諸道荒塞
 神通徹視 神足羅漢 皆詣拘夷 供養世尊
 八萬四千 過於無漏 天人所敬 福田無上
 閻浮利地 羅漢悉來 世尊涅槃 聚會於中
 別有不還 得頻來果 溝港進學 此輩一倍
 梵行比丘 無數百千 舉手哭行 世尊那去
 我等盲聾 三毒未除 沒於五道 誰當拔我
 比丘尼千 數三十五 中有神通 有漏無漏

帝釋梵天 及無數天 文陀華伎 速持來到
 四天大王 各有將從 梅檀珠瓔 速齋來詣
 及諸欲天 有色無色 九十六億 咸詣拘夷
 無畏釋王 八萬牙象 名馬八萬 盡詣拘夷
 舍衛月王 強勇聰明 名象七萬 皆到拘夷
 阿闍世王 勇猛信佛 象七萬半 悲泣來詣
 槃闍黎王 名明端正 象馬六萬 悉詣拘夷
 哀愍王暖 鬱光親厚 衆各五萬 皆來集會
 西香衆國 諸王嚴仗 四色軍般 數百千衆
 速疾來至 欲見佛屍 龍王泣淚 追尋諸王
 維耶離衆 象馬車乘 如諸天比 來詣拘夷
 凡衆無數 并及清信 覩佛盡今 當觀涅槃
 世界衆生 三十六億 皆詣拘夷 齋所喪具
 方百由延 拘夷處中 天人滿中 地無空缺
 諸天散華 供養佛屍 鼓天妓樂 雨諸末香

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



諸王官屬 來詣佛屍 皆禮佛足 圍繞而立
 諸王號泣 舉手悲號 不復見佛 為眾說法
 阿闍世哭 來鳴佛足 我五逆人 持我付誰
 諸王繞屍 散寶滿上 並作眾樂 香泥塗牀
 舉屍鐵棺 灌滿麻油 地為震動 諸王號哭
 諸天墮淚 滴現於地 天王雨淚 普皆哭泣
 天梅檀薪 如意雜香 積之于地 諸天四輩
 大迦葉等 僧眾坐上 眾生所供 此大福田
 迦葉眾僧 丘尼賢者 天帝人王 各共燃屍
 燈燒身時 天人號哭 嗚呼痛哉 我等如何
 七日供養 諸天盡受 分為八分 著覺第九
 各還本所 王及凡民 諸天還上 八部神歸
 八分餘者 天龍神得 拘夷力人 得分立塔
 八分八塔 第九覺塔 炭塔第十 閻浮所起
 迦葉僧首 行出拘夷 詣摩竭國 聚會眾僧

迦葉語僧 比丘莫行 當共集會 勿令法壞
 於虛空中 迦葉鳴捷 欲使法久 勝於諸魔
 迦葉語眾 及天與人 今當集法 今眾生安
 佛雖涅槃 四諦故存 八道猶在 可獲涅槃
 先佛長壽 人民有福 遺法日近 不久便盡
 今人短命 佛出第七 涅槃之後 法那久存
 不還頻來 見道未成 今集真僧 此不得入
 天眼神足 六通無我 一切羅漢 我今集之
 眾聞教聲 即各來集 八十千眾 皆是無漏
 迦葉問曰 弟阿那律 遍觀羅漢 誰不來者
 那律便觀 大千世界 見忉利天 有憍桓鉢
 律白迦葉 憍桓忉利 羅漢無漏 今不來會
 迦葉命召 而亦不來 世尊涅槃 世空何求
 迦葉心念 比丘能有 撰佛所說 經法者不
 遍看不見 能集十二 部經法義 佛所說者

唯有阿難 是須陀洹 當為設宜 使成無漏
 上座方便 觀阿難心 知有慈愍 得道未久
 迦葉詰難 不得入眾 汝不應入 今當出去
 阿難白曰 何耶上座 我於三尊 有何過失
 迦葉答曰 弟欲知耶 汝於佛眾 有大過失
 坐汝佛法 減於千歲 由汝勸佛 度於母人
 細微之戒 佛欲分別 汝何不問 細微戒耶
 爾時何念 輕慢於戒 佛已涅槃 今當問誰
 蹈佛大衣 佛渴索水 汝竟不與 非是過耶
 此比過多 是汝所作 非口所陳 是故當出
 阿難長歎 悲惋墮淚 佛方更終 當何恃怙
 於此便去 坐一樹下 感結漏盡 佛法由興
 無數億天 圍繞阿難 來詣大會 師子無畏
 迦葉遙見 便謂眾僧 皆當速起 阿難今至
 八萬餘眾 皆是無垢 迦葉上首 叉手立迎

迦葉舉手 善來阿難 便上高座 修理眾僧
 真大阿難 為眾入眼 侍佛已竟 瞿曇福成
 汝觀此僧 并觀天眾 世間久病 有三苦患
 世間無主 導師涅槃 快共慈心 為眾說法
 阿難默然 迦葉便請 上座欣笑 作師子吼
 迦葉心念 相望能說 阿難今日 濟度天人
 迦葉舉聲 大命眾生 欲度世者 皆來詣此
 如佛所說 種種諸法 除眾生苦 阿難當說
 一切知法 如散雜華 阿難當撰 分別三藏
 如來說法 隨眾所欲 高座阿難 復當敷演
 十方當聞 天龍鬼神 四部弟子 聞命即至
 如人熱渴 思想飲水 奔走趣河 當於中飲
 天龍鬼神 四輩弟子 來趣阿難 於中聞法
 餘無數眾 進學見道 頻來不還 尋聲後到
 阿那舍道 二萬一千 斯陀舍眾 四萬二千

須陀洹僧八萬四千此等後到亦欲聽法
 諸王皆集羣臣兵衆阿難儀容衆覩咸歡
 大衆次坐方十由延阿難在中如月滿明
 帝釋在右梵天在左侍於阿難如佛在時
 釋說偈讚天子欣悅覩大會故阿難無畏
 如轉法輪圍繞佛時瞻阿難顏儀容巍巍
 梵天亦爾請於如來世尊說法阿難如是
 魔聞名聲亦來到此并將妻子及臣兵衆
 波旬覩此若干衆多阿難在中如日光明
 阿難髻生儀似山頂項有日光照於衆會
 難陀髻出迦葉項光那律徹視觀於大千
 諸王在會并及羣臣衆人千億皆在此中
 見會甚樂阿難勇猛波旬愁毒心懷戰慄
 波旬心念一佛滅度更有三出佛力勢大
 瞿曇涅槃謂呼得脫此三所得其處甚大

見佛滅度心甚喜悅瞿曇法衰無怨仇對
 當設方宜滅此殘法四部弟子及諸國王
 魔便出教敕師子將速合四兵盡滅此法
 即起化兵四種將主圍繞大會出可畏聲
 收捕道人清信男女誅殺諸王壞裂道場
 衆會驚愕四輩心念此何從出未成懷疑
 諸王聞聲皆懷驚怖見魔兵衆各自嚴仗
 阿難心惟誰來相撓覩此兵衆乃知魔爲
 阿難便笑敕王頓駕此亂衆者我自降之
 難以慧力葉以進力伸手執魔三屍繫咽
 第一人屍第二狗屍第三蛇屍肝爛難近
 魔便首請迦葉見放羅漢應當困於人耶
 迦葉我前極托燒佛世尊未曾見困如今
 若佛哀愍被大慈鎧終不加害於諸羣生
 我等法集欲令久興汝何爲來托攪我衆

九

六

魔即又手啓阿難曰且俱放我不復燒人
 阿難使誓迦葉亦爾若後亂眾屍還掛頸
 三屍化去波旬得免魔便愁怖別立一面
 諸天稱善佛法得勝遺法久存常當勝魔
 迦葉救眾皆當靖定阿難今說如佛所演
 諸王普起叉手待之諸天悉悅賢者視顏
 迦葉詰難說經時到發此寶箱顯說上法
 何說增一何說增十何說本起何說諸界
 阿難長歎師子振欬四顧眾座說聞如是
 說一時已地爲震動一億天人還得法眼
 舍衛增一召彼增十釋中本起魔竭諸界
 餘經亦爾處處演說阿難以經爲大眾說
 盡集諸經以爲一藏律爲二藏大法三藏
 經錄阿舍戒律大法三分正等以爲三藏
 已說大本錄諸異法合雜眾集復爲一藏

別經四分名作阿舍增一中舍長雜四舍
 毗尼隨法犯次可生中者久童苦行在後
 大法諸分作所生名分別第一然後各異
 增一中舍長雜四舍迦葉問難此義何謂
 難答一一比丘念佛以是調意故名增一
 此後二法思惟善法兩法便生^七止意分別
 三處三法眼知宿命漏盡
 四處四諦五處五根六處六大七處七覺
 八處八憶九處九止十處十力十一處經
 名放牛兒慈經斷後增一經終從此義中
 當一一解此經若干故名增一猶如畫師
 分部色像是一增一種種撰合如藥無限
 隨病和合名某藥丸故名增一一一纏緹
 經緯成布以一一說成於增一如合諸物
 名空集音種種諸經故名增一猶如草木

泥土起墻 圍覆於空 爾乃成舍 如是施戒
 生天涅槃 以義圍繞 故名增一 如一種泥
 成數種器 是一增一 種種義合 從此當知
 種種義說 此經盡出 當持增一 亦不大長
 亦不至短 結義得偶 名中阿舍 字亦不麤
 亦不極細 言義正等 是故名中 除去上下
 說於中法 棄於彼我 故名中舍 小凶大凶
 癡疑盡壞 以觀正諦 是故名中 於中長說
 并及先世 劫世流轉 是故曰長 計於諸止
 天上快樂 聞者觀喜 故名曰長 七世遇佛
 及攬大乘 佛之涅槃 是故曰長 諸寶計數
 多有轉輪 諸王喜聞 故名曰長 此法當懷
 學之喜忘 欲斷諸結 是故曰雜 此法等舍
 義味共俱 聞之斷疑 故等名舍 是修行地
 禪智所趣 等見諸法 是名等舍 盡此經中

撮行兩端 聞者多疑 故名等舍 部外雜經
 諸天讚偈 皆入其中 故名等舍 附近法者
 得好淨意 斷諸諍訟 故名戒律 分別中戒
 得淨精進 聞者皆調 是名戒律 比丘行是
 得益於中 破碎眾結 故名戒律 忍諸結垢
 比丘學是 除諸惡行 是名戒律 觀視諸法
 從法得益 墮甘露地 故名毗尼 迦梅造竟
 持用呈佛 佛言上法 當名上法 於中破癡
 益於世間 此眾經明 故名大法 總持外道
 斷於貢高 眾法牙旗 是名大法 譬如明燈
 照於眾物 以見諸形 故名大法 此眾經義
 如芒甘露 是諸法味 此大法義 諸經戒律
 勤思惟持 勿令放捨 繫縛三藏 分別字義
 比丘諸天 千萬稱善 迦葉復問 云何四藏
 阿難可說 為眾生故 阿難答曰 此說各異

隨眾意行 是名雜藏 佛說宿緣 羅漢亦說
天梵外道 故名雜藏 中多偈頌 問十二緣
此各異人 是名雜藏 三阿僧祇 菩薩生中
所生作緣 故名三藏 中多宿緣 多出所生
與阿舍異 是名雜藏 雜藏之法 讚菩薩生
此中諸義 多於三藏 都合諸法 結在一處
何等比丘 能盡持者 當來世時 比丘多愚
此輩不能 盡持三藏 後當作師 從經出頌
由此益增 是故不合 處處有喜 四阿舍者
或喜毗尼 又喜大法 或喜外頌 或喜雜藏
故不一名 盡說諸法 結四阿舍 集錄諸數
并律大法 聚為三藏 聞是法已 天神及人
三千比丘 還得漏盡 不還八千 頻來十千
無數天人 得見道迹 此法久住 為天人故
諸王常勝 盡受百秋 一切天人 諸王比丘

皆共稱善 如阿難說 集法已訖 天人各還
四輩弟子 皆歸本所
佛涅槃後 迦葉阿難等 於摩竭國 僧伽尸城
北造集三藏 正經及雜藏 經常所云 四篋者
合雜言也 凡二百首 盧上增一 阿舍從一至
十為十一 處經者 撰諸十一 事經以放牛兒
十一事經 為始以行 慈十一事 經為終 因其
所引便出 其經以事 相連故合 為一卷 此放
牛經者 佛說放牛 十一事 以況比丘 道具十
一行成道 樹根栽枝 葉茂盛多 所覆蔭因 放
牛兒於坐 發念佛知 其意故說 言十一事 以
斥行者 放牛者 即解便逮 得還羅漢

撰集三藏及雜藏傳

大阿羅漢難提蜜多羅所說法住記

唐三藏法師玄奘奉 詔譯

如是傳聞佛薄伽梵般涅槃後八百年中執師子國勝軍王都有羅漢名難提蜜多羅唐言慶具八解脫三明六通無諍願智邊際定等無量功德皆悉具足有大威神名稱高遠以願智力能知此界一切有情種種心行復能隨順作諸饒益化緣既畢將般涅槃集諸苾芻苾芻尼等說已所證諸妙功德及應所行利樂有情諸勝事業皆悉成辦告時眾曰自今已後無復所為譯九唯無餘依是所歸趣仁等當知有疑可問時諸大眾聞是語已舉聲號哭不能自持宛轉於地或起唱言佛薄伽梵久已涅槃諸聖弟子亦隨寂滅世間久空無真調御今唯尊者為天人眼如何復欲棄捨

我等願垂哀愍少留壽命尊者慶友慰喻眾言不須啼泣仁等當知世間法爾有生必滅諸佛如來降伏四魔於壽自在隨順世故猶示涅槃況我今者豈宜恒住設隨汝請亦無利益當體此意勿生憂惱但有疑者應可速問諸苾芻等雖承告示猶增涕壹良久乃問我等未知世尊釋迦牟尼無上正法當住幾時尊者告曰汝等諦聽如來先已說法住經今當為汝粗更宣說佛薄伽梵般涅槃時以無上法付囑十六大阿羅漢并眷屬等令其護持使不滅沒乃救其身與諸施主作真福田令彼施者得大果報時諸大眾聞是語已少解憂悲復重請言所說十六大阿羅漢我輩不知其名何等慶友荅言第一尊者名賓度羅跋囉情闍第二尊者名迦諾迦伐蹉第

譯九

十一

三尊者名迦諾迦跋釐惰闍第四尊者名蘇
頻陀第五尊者名諾矩羅第六尊者名跋陀
羅第七尊者名迦理迦第八尊者名伐闍羅
弗多羅第九尊者名戎博迦第十尊者名半
託迦第十一尊者名囉怛羅第十二尊者名
那伽犀那第十三尊者名因揭陀第十四尊
者名伐那婆斯第十五尊者名阿氏多第十
六尊者名注茶半託迦如是十六大阿羅漢
一切皆具三明六通八解脫等無量功德離
三界染誦持三藏博通外典承佛教故以神
通力延自壽量乃至世尊正法應住常隨護
持及與施主作真福田令彼施者得大果報
爾時苾芻苾芻尼等復重請言我等不知十
六尊者多住何處護持正法饒益有情慶友
答言第一尊者與自眷屬千阿羅漢多分住

在西瞿陀尼洲第二尊者與自眷屬五百阿
羅漢多分住在北方迦濕彌羅國第三尊者
與自眷屬六百阿羅漢多分住在東勝身洲
第四尊者與自眷屬七百阿羅漢多分住在
北俱盧洲第五尊者與自眷屬八百阿羅漢
多分住在南瞻部洲第六尊者與自眷屬九
百阿羅漢多分住在耽沒羅洲第七尊者與
自眷屬千阿羅漢多分住在僧伽茶洲第八
尊者與自眷屬千一百阿羅漢多分住在鉢
刺拏洲第九尊者與自眷屬九百阿羅漢多
分住在香醉山中第十尊者與自眷屬千三
百阿羅漢多分住在三十三天第十一尊者
與自眷屬千一百阿羅漢多分住在畢利颺
瞿洲第十二尊者與自眷屬千二百阿羅漢
多分住在半度波山第十三尊者與自眷屬

添九

十二

千三百阿羅漢多分住在廣脇山中第十四尊者與自眷屬千四百阿羅漢多分住在可住山中第十五尊者與自眷屬千五百阿羅漢多分住在鷲峯山中第十六尊者與自眷屬千六百阿羅漢多分住在持軸山中諸仁者若此世界一切國王輔相大臣長者居士若男若女發殷淨心爲四方僧設大施會或設五年無遮施會或慶寺慶像慶經幡等施設大會或延請僧至所住處設大福會或詣寺中經行處等安布上妙諸坐卧具衣藥飲食奉施僧衆時此十六大阿羅漢及諸眷屬隨其所應分散往赴現種種形蔽隱聖儀同常凡衆密受供具令諸施主得勝果報如是十六大阿羅漢護持正法饒益有情至此南瞻部洲人壽極短至於十歲刀兵劫起互相

誅戮佛法爾時當暫滅没刀兵劫後人壽漸增至百歲位此洲人等厭前刀兵殘害苦惱復樂修善時此十六大阿羅漢與諸眷屬復來人中稱揚顯說無上正法度無量衆令其出家爲諸有情作饒益事如是乃至此洲人壽六萬歲時法九無上正法流行世間熾然無息後至人壽七萬歲時無上正法方永滅没時此十六大阿羅漢與諸眷屬於此洲地俱來集會以神通力用諸七寶造窣堵波嚴麗高廣釋迦牟尼如來應正等覺所有遺身馱都皆集其內爾時十六大阿羅漢與諸眷屬繞窣堵波以諸香華持用供養恭敬讚歎繞百千而瞻仰禮已俱昇虛空向窣堵波作如是言敬禮世尊釋迦如來應正等覺我受教敕護持正法及與天人作諸饒益法藏已没化

緣已周今辭滅度說是語已一時俱入無餘
涅槃先定願力火起焚身如燈焰滅骸骨無
遺時宰堵波便陷入地至金輪際方乃停住
爾時世尊釋迦牟尼無上正法於此三千大
千世界永滅不現從此無聞此佛土中有七
萬俱胝獨覺一時出現至人壽量八萬歲時
獨覺聖眾復皆滅度次後彌勒如來應正等
覺出現世間時瞻部洲廣博嚴淨無諸荆棘
谿谷堆阜平正潤澤金沙覆地處處皆有清
池茂林名華瑞草及眾寶聚更相輝映甚可
愛樂人皆慈心修行十善以修善故壽命長
遠豐樂安隱士女殷稠城邑鄰次雞飛相及
所營農稼一種七穫自然成實不須耘耨諸
仁者於彼時中國界莊嚴有情果報陳之難
盡具如彌勒成佛經說彌勒如來成正覺已

為聲聞眾三會說法今出生死得證涅槃第
一會度九十六俱胝聲聞眾第二會度九十
四俱胝聲聞眾第三會度九十二俱胝聲聞
眾若諸國王大臣長者居士男女一切施主
於今釋迦牟尼佛正法中能為佛事自種善
根或教他種謂以七寶金銀真珠璧玉香材
鍤石銅鐵木石泥土或以繒縷或以綵畫作
佛形像及宰堵波若大若小乃至最小如指
節量或以香華諸妙供具若多若少而為供
養彼由如是善根力故至彌勒如來成正覺
時善得人身於彼佛第一會中以淨信心捨
俗出家淨除鬚髮披著法服既預聖眾隨宿
願力便得涅槃是名第一為佛事故種善根
者所得果報若諸國王及以臣庶一切施主
於今釋迦牟尼佛正法中能為法事自種善

根或教他種謂於大乘素怛纜藏所有甚深
空性相應諸大乘經謂般若波羅蜜多經妙
法芬陀利迦經金光明經金剛手藏經首楞
伽摩三摩地經幻喻三摩地經大神變三摩
地經集諸功德三摩地經逮如來智印三摩
地經具諸威光三摩地經寶臺經集諸菩薩
三摩地經諸佛攝受經集請問經梵王問經
善吉問經勇猛問經能滿問經海龍王問經
無熱惱龍王問經樹幢龍王問經寶掌問經
寶髻問經虛空音問經虛空吼問經幻網問
經寶女問經妙女問經善臂問經師子問經
猛授問經金光女問經說無盡慧經說無垢
稱經末生怨王經諦實經那羅延經佛華嚴
經蓮華手經千佛名經無量光衆經極樂衆
經集淨華經大集經入一切道經寶幢經寶

聚經寶篋經彩畫經高頂王經如是等大乘
經有百俱胝部黨差別復有大乘毗柰耶藏
阿毗達磨藏衆多部類一切皆是菩薩藏攝
復有聲聞三藏謂素怛纜藏毗柰耶藏阿毗
達磨藏素怛纜藏有五阿笈摩謂長阿笈摩
中阿笈摩增一阿笈摩相應阿笈摩雜類阿
笈摩毗柰耶藏中有苾芻戒經苾芻尼戒經
分別戒本諸蘊差別及增一律阿毗達磨藏
中有攝六問相應發趣等衆多部類復有本
生鬘讚獨覺鬘讚於如是等正法藏中或是
佛說或菩薩說或聲聞說或諸仙說或諸天
說或智者說能引義利乃至有能於四句頌
若自誦若教他誦若自讀若教他讀若自持
若教他持若自解說若教他解說或於法師
恭敬供養或於經卷恭敬供養謂以種種香

華幡蓋妓樂燈明而為供養或於經卷以諸雜綵囊帊縷帶而嚴飾之由如是等善根力故至彌勒如來成正覺時善得人身於彼佛第二會中以淨信心捨離家法出趣非家淨除鬚髮披著法服既預聖眾隨宿願力便得涅槃是名第二為法事故種善根者所得果報若諸國王及臣庶等一切施主於今釋迦牟尼佛正法中能為僧事自種善根或教他種謂諸苾芻苾芻尼眾或次第請或隨緣請於月一日或月八日或十五日設齋供養或往寺中若供養一若供養眾或作給侍或有供養修靜慮者或有供養諸說法者或見有人欲於正法學習流布從師聽受不作留難施其所安無令怯退或設五年無遮施會或施四方僧或施寺舍及坐卧具或施鍾磬或

施園林如是等類供養僧眾彼由如是善根力故至彌勒如來成正覺時善得人身於彼佛第三會中以淨信心捨離家法出趣非家淨除鬚髮披著法服既預聖眾隨宿願力便得涅槃是名第三為僧事故種善根者所得果報爾時慶友大阿羅漢為諸大眾廣說如上事已以神通力於大眾前身昇虛空高七多羅樹示現種種不可思議大神變事令所觀眾增進勝道時彼尊者現神變已即於空中結跏趺坐捨諸壽行及諸命行入無餘依般涅槃界先定願力火起焚身於虛空中兩身遺骨時諸大眾悲歎希有競收遺骨起窣堵波以諸香華寶幢幡蓋妓樂燈明常為供養此法住記古昔諸師展轉相承誦持不忘為令一切國王大臣長者居士諸施主等了

達因果獸生老病死芭蕉幻焰泡沫之身修諸勝業於當來世逢事彌勒解脫煩惱得大涅槃生愛樂故於佛正法護持建立令久不滅

大阿羅漢難提密多羅所說法住記

音釋

𦉰 么莖切 托 呼高切 纏 纏籠都切
 𦉰 陽音 窳堵波 梵語也此云圓 素怛纜 梵語也此
 云契經怛當割 肥音罵切
 切纜盧噉切 肥樸也

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

